

毒蛇之軀今是龍施身時五百玉女今是五百人八百諸天子共志無等倫菩薩所示現猶為有所因欲歎其功德終無能盡焉彼龍施菩薩作師子吼時無數諸天人皆發無上真一切皆歡喜作禮於佛前

女三

佛說龍施菩薩本起經

幹緣道者張可暹

華亭縣曰砂鄉十五保青村南場中窺港北住女弟子胡王八娘發心施官券壹拾貫文又同鄉保橫港東住女弟子王氏千娘施財四貫又王百三娘施財貳貫共刊造大藏佛說龍施菩薩本起經一卷集並功德隨彼願心悉令圓滿者

嘉應三年八月

日暮緣僧

書等

題

佛說八吉祥神咒經

吳月支優婆塞支謙譯

聞如是一時佛在羅閱祇耆閣崛山中與千二百五十比丘俱菩薩千人皆弥勒等佛告賢者舍利弗及諸比丘皆一心聽佛告賢者舍利弗東方去是一恒沙有佛名安隱囑累滿具足王如來至真無所著最正覺今現在說法其世界名曰滿所願聚去是二恒沙有佛名紺琉璃具足王如來無所著最正覺今

現在說法其世界名曰慈哀光明去是三恒沙有佛名勸助衆善具足王如來無所著最正覺今現在說法其世界名曰歡喜快樂去是四恒沙有佛名曰無憂德具足王如來無所著最正覺今現在說法其世界名曰一切樂入去是五恒沙有佛名藥師具足王如來無所著最正覺今現在說法其世界名曰滿一切珍寶去是六恒沙有佛名曰蓮華具足王如來無所著最正覺今現在說法其世界名曰滿香名聞去是七恒沙有佛名菩提合會具足王如來無所著最正覺今現在說法其世界名曰一切解說音聲遠聞去是八恒沙有佛名解散一切縛具足王如來無所著最正覺今現在說法其世界名曰一切解說佛告賢者舍利弗此諸佛如來無所著過四道不受最正覺其國土清淨無五濁無愛欲無意垢若有善男子善女人聞此八佛及國土名受持奉行諷誦讀誦廣為他人解說其

義者終不愚癡口之所言無有失誤相好具足無所缺減無央數年不為乏少是人終不墮太山地獄餓鬼畜生中也是人終不望取羅漢辟支佛道而般涅洹必當速得無上平等之道常遇陀隣尼常行菩薩法得功德無量第一四天王常擁護之不為縣官所拘錄不為盜賊所中傷不為天龍鬼神所觸燒閱又鬼神盪道鬼神若人若非人皆不能害殺得其便也除其宿命不請之罪若有疾病水火鳥鳴惡夢諸魔所燒恐怖衣毛豎時常當讀是八吉祥神呪經呪之即得除愈是時佛說偈言

若有持是經 八佛國土名 不墮三惡處 疾得無上道 自覺發道意 見佛即開解 中外常歡喜 供養心恭敬 億劫阿僧祇 行惡悉消除 持是八吉祥 速得明解教 供事是經者 千葉華中生 珍寶為其出 色像好無上 人間是尊經 尊敬信樂者

奉持諷誦讀 清淨無放逸 女人信是經 敬慎無諛諂 棄女為男子 聰明常黠慧 奉持八佛名 出入賊不害 刀兵水火毒 諸邪不能干 愛樂奉是經 諸魔不得便 鬼神諸官屬 無能燒亂者 飛行到諸刹 所在大豐樂 心意正無邪 見佛大歡喜 所生常遇佛 等心奉事之 一切眾惡除 疾得涅洹道 精進無懈怠 去離諸魔著 為人朴直儒 奉持八佛名 勇猛降眾魔 其力如金剛 端正相好具 一切莫能當 布施無慳貪 巨億万家生 盜賊及怨家 自然皆消除 疾病縣官事 鳥鳴諸惡夢

持是八佛名 呪之即除愈 奉持是經者 彌勒菩薩等 第一四天王 常共擁護之 所願皆可得 踊躍大歡喜 一心信樂者 福德亦如是 爾時諸菩薩 颺陀和菩薩 羅憐那竭菩薩 橋曰兜菩薩 那羅達菩薩 須深菩薩 摩訶薩

須和菩薩因垢達菩薩和輪調菩薩是八人
 求道已來無央數劫於今未取佛願言使十
 方天下人民皆得佛道若有急疾皆當呼我
 八人名字即得解脫壽命欲終時我八人便
 當飛往迎逆之諸菩薩弥勒等第一四天王
 皆白佛言吾當擁護持八吉祥神咒經者與
 我并力令諸疾病皆得除愈佛說經已舍利
 弗弥勒菩薩及諸比丘天龍鬼神阿湏倫王
 皆大歡喜樂聞

幹緣道者張可蓮

大宋國嘉興府華亭縣長人鄉十六保三門塘水東居住奉

佛弟子褚伯遠同妻潘氏三乙娘合家眷等發心施財貳拾貫文入磧砂寺刊造

佛說八吉祥神咒經一卷功德追悼七公褚二十郎 玄婆潘氏十八娘子

先著褚十二郎 先妣周氏五十六娘子 衆善緣此經緣周生 淨土保扶伯遠等

身心安樂增延福壽求大吉祥者

嘉興三年八月 日某緣僧

志願等

題